



PERATURAN AM PARA SUKMA



1. NAMA

- 1.1 Kejohanan ini dinamakan '**PARA SUKMA XXII SELANGOR 2026**'.

2. PENGELOLAAN

- 2.1 **PARA SUKMA** ini dikelola oleh Majlis Sukan Negara Malaysia dengan kerjasama Kementerian Belia Dan Sukan, Majlis Paralimpik Malaysia, Kerajaan Negeri, Majlis-Majlis Sukan Negeri dan Persatuan Sukan Para Kebangsaan.
- 2.2 Bagi Maksud pengelolaan, Menteri Belia dan Sukan Malaysia telah menubuhkan Jawatankuasa Tertinggi sebagai sebuah badan yang bertanggungjawab berkenaan dengan perkara-perkara dasar serta Peraturan Para SUKMA bagi membolehkan Para SUKMA dapat berjalan dengan lancar menurut masa, giliran serta peraturan yang ditetapkan.
- 2.3 Jawatankuasa Khas Teknikal bertanggungjawab menyelaras penyertaan kontinjen-kontinjen, persediaan dan pengurusan teknikal sukan-sukan.
- 2.4 Jawatankuasa Pengelola bertanggungjawab merancang dan mengelolakan semua program dan aktiviti Para SUKMA dan seterusnya Jawatankuasa-jawatankuasa Kecil dengan tugas-tugas khas pula bertanggungjawab kepada Jawatankuasa Pengelola. Majlis Sukan Negara Malaysia adalah Urusetia Tetap PARA SUKMA di peringkat pusat dan bertanggungjawab membantu Jawatankuasa Pengelola di Peringkat Negeri.

3. KATEGORI KECACATAN

3.1 Kategori kecacatan yang terlibat dalam temasya Para SUKMA:-

NO	JENIS KECACATAN	KOD KATEGORI
1	Physical Impairment • Amputees & Les Autres • Cerebal Palsy • Wheel Chair	PI
2	Visual Impairment	VI
3	Intellectual Impairment	II

4. JENIS-JENIS SUKAN

4.1 Senarai sukan dan acara perlu ditetapkan dan dimaklumkan satu (1) tahun sebelum tarikh perasmian Para SUKMA.

BIL	JENIS SUKAN	KELAYAKAN UMUR	TARIKH KELAHIRAN	TARAF
1	Boccia	12 – 40 tahun	1 Jan. 1986 – 31 Dis 2014	Wajib
2	Para Badminton	12 – 40 tahun	1 Jan. 1986 – 31 Dis 2014	Wajib
3	Para Memanah	12 – 40 tahun	1 Jan. 1986 – 31 Dis 2014	Wajib
4	Para Olahraga	12 – 40 tahun	1 Jan. 1986 – 31 Dis 2014	Wajib
5	Para Ping Pong	12 – 40 tahun	1 Jan. 1986 – 31 Dis 2014	Wajib
6	Para Powerlifting	12 – 40 tahun	1 Jan. 1986 – 31 Dis 2014	Wajib
7	Para Renang	12 – 40 tahun	1 Jan. 1986 – 31 Dis 2014	Wajib
8	Para Catur	12 – 40 tahun	1 Jan. 1986 – 31 Dis 2014	Pilihan
9	Para Lawn Bowls	12 – 40 tahun	1 Jan. 1986 – 31 Dis 2014	Pilihan
10	Para Tenpin Bowling	12 – 40 tahun	1 Jan. 1986 – 31 Dis 2014	Pilihan

5. **PENYERTAAN**

- 5.1 Hanya Warganegara Malaysia yang layak bertanding bagi mewakili kontinjen Negeri atau Wilayah Persekutuan di temasya Sukan Para SUKMA. Semua penyertaan hendaklah dibuat melalui **Majlis Sukan Negeri / Wilayah** masing-masing.
- 5.2 Sukan Para SUKMA terhad kepada pasukan-pasukan negeri dan kontinjen yang dipersetujui oleh Jawatankuasa Tertinggi Sukan Para SUKMA sebagai kontinjen jemputan.
- 5.3 Berumur di antara **12 hingga 40 tahun pada tahun 2026**, iaitu lahir pada atau selepas **1 Januari 1986 hingga 31 Disember 2014**.
- 5.4 Jenis-jenis sukan individu dan berpasukan atau disiplin yang ditetapkan hanya akan dipertandingkan apabila disertai oleh sekurang-kurangnya **5 kontinjen negeri**.
- 5.5 Bagi acara individu, pertandingan akan dijalankan sekiranya ada penyertaan sekurang-kurangnya **4 orang dari 3 negeri** manakala acara berpasukan terdiri dari sekurang-kurangnya **4 pasukan**. Sekiranya berlaku penarikan diri atas sebab tidak menepati kriteria klasifikasi semasa **Taklimat Pengurus Pasukan**, kaedah "Minus One" akan diguna pakai.
- 5.6 Atlet Kebangsaan yang telah **layak secara merit** ke Sukan Paralimpik adalah tidak dibenarkan untuk mengambil bahagian dalam Sukan Para SUKMA. Atlet Kebangsaan yang **pernah bertanding** di Sukan Paralimpik (Status Paralympian) adalah tidak dibenarkan untuk mengambil bahagian dalam Sukan Para SUKMA.
- 5.7 3 jenis Sukan (Boccia BC3, Olahraga T11, Lawn Bowls B1 & B2) dengan terma seperti berikut dikategorikan sebagai atlet:
 - 5.7.1 Boccia BC3: Ramp Operator
 - 5.7.2 Olahraga T11: Guide Runner
 - 5.7.3 Lawn Bowls B1, B2 & B3: Sighted Director

- 5.8 Semua peralatan peribadi atlet seperti Bangku Lontaran (Throwing Chair), Blind Fold, Raket, Goggle, Alat Pengetuk (Tapping Device) dan Bola Boling Padang hendaklah dibawa sendiri oleh atlet berkenaan.
- 5.9 Tiap-tiap negeri atau kontinjen dikehendaki mengemukakan borang penyertaan mengikut jenis sukan kepada pihak pengelola sekurang-kurangnya **6 bulan (180 hari) sebelum perasmian** atau tidak lewat daripada **5 Mac 2026**. Borang penyertaan hendaklah disertakan dengan wang cengkeram sebanyak RM 300.00 **bagi tiap-tiap jenis sukan**. Penyertaan yang tidak disertakan dengan wang cengkeram adalah tidak sah dan tidak akan didaftarkan sebagai atlet.
- 5.10 **Borang Pendaftaran senarai panjang atlet / akreditasi** yang lengkap dengan gambar, bertandatangan beserta salinan kad pengenalan hendaklah dikemukakan oleh negeri atau kontinjen kepada pihak pengelola sekurang-kurangnya **4 bulan (120 hari) sebelum perasmian** atau tidak lewat daripada **5 Mei 2026**.
- 5.11 Jawatankuasa Pengelola akan memaklumkan kepada semua kontinjen negeri jumlah bilangan penyertaan, jenis sukan dan acara yang dipertandingkan secara terperinci setelah menyemak senarai pendaftaran selewat-lewatnya **3 minggu (21 hari)** selepas tarikh tutup Pendaftaran senarai panjang atlet iaitu pada **26 Mei 2026**.
- 5.12 Mesyuarat Pertindihan Atlet akan diadakan selewat-lewatnya **1 bulan (30 hari)** selepas tarikh tutup Pendaftaran senarai panjang atlet iaitu pada **5 Jun 2026**. Segala bantahan mengenai kelayakan atau kesahihan status atlet tidak boleh dibuat oleh mana-mana pihak setelah diterima dan disahkan oleh Jawatankuasa Khas Teknikal ataupun selepas diputuskan di dalam Mesyuarat Pertindihan Atlet. Pendaftaran atlet semasa tarikh akhir pendaftaran seperti yang ditetapkan di dalam Peraturan Am Perkara 5.11 akan menjadi penentu kepada negeri yang akan diwakili seseorang atlet sekiranya tidak didaftarkan oleh mana-mana kontinjen lain.

- 5.13 Borang-borang penyertaan yang lengkap dengan nama atlet dan acara (short list) hendaklah dikemukakan oleh Kontinjen kepada pihak pengelola sekurang-kurangnya **6 minggu (45 hari) sebelum perasmian** atau tidak lewat daripada **20 Julai 2026**.
- 5.14 **Borang Diagnosis Perubatan (Medical Diagnosis Form)** bagi atlet baru dan tidak pernah di klasifikasi hendaklah dikemukakan oleh negeri atau kontinjen kepada pihak pengelola tidak lewat daripada **20 Julai 2026**.
- 5.15 Pertukaran peserta yang telah didaftarkan terlebih awal pada **20 Julai 2026 (Peraturan Am Perkara 5.13)** boleh dibuat semasa Mesyuarat Pendaftaran Delegasi (DRM) dengan kelulusan Pengerusi Jawatankuasa Khas Teknikal bagi atlet yang mengalami kecederaan dengan disertakan bukti – bukti pengesahan perubatan daripada hospital kerajaan. Sebarang penggantian atlet mestilah daripada atlet yang telah disenaraikan dalam senarai panjang (longlist). Tiada sebarang pertukaran atlet boleh dibuat selepas Mesyuarat Pendaftaran Delegasi (DRM) dimuktamadkan.
- 5.16 Klasifikasi kategori kecacatan akan dilakukan pada **4 hingga 5 September 2026**.

6. BILANGAN PEGAWAI/ATLET RASMI

- 6.1 Bilangan maksima atlet mengikut jenis-jenis sukan ialah seperti berikut:-

BIL	JENIS SUKAN	ATLET LELAKI	ATLET WANITA	ATLET SOKONGAN
1	Boccia	8	8	4
2	Para Badminton	12	6	
3	Para Memanah	6	6	
4	Para Olahraga	40	20	6
5	Para Ping Pong	14	8	
6	Para Powerlifting	20	4	
7	Para Renang	22	12	

8	Para Catur	9	9	
9	Para Lawn Bowls	14	14	6
10	Para Tenpin Boling	12	12	
JUMLAH		157	99	16
JUMLAH KESELURUHAN		272		

6.2 Penyertaan pegawai adalah mengikut ratio iaitu 1 pegawai bagi 2 atlet (1:2) yang merangkumi Timbalan Ketua Kontinjen, Pengurus Pasukan, Jurulatih, Pengiring dan Sokongan Sains Sukan.

6.3 Kuota khusus diperuntukkan untuk Ketua Kontinjen (1 kuota), Pegawai Perubatan (1 kuota) dan Urusetia Kontinjen (5 kuota).

6.4 Bilangan pegawai dan anggota Non-Kontinjen yang diperuntukkan kepada setiap kontinjen adalah seperti berikut:

- G - Tetamu Kontinjen (maksima 20 orang)
- VIP - Mengikut Kelayakan (Tidak Terhad)
- FX - Pegawai Tambahan (Kuota 10% jumlah Atlet)
- E / E-P - Media Kontinjen (maksima 10 orang)

7. PENDAFTARAN

7.1 Tiap-tiap kontinjen bagi setiap jenis sukan hendaklah mendaftarkan nama-nama pegawai dan atlet masing-masing dengan Jawatankuasa Pengelola melalui Majlis Sukan Negeri tidak lewat daripada tarikh yang ditetapkan dalam Perkara 5.10 di atas.

7.2 Mesyuarat Pendaftaran Delegasi (DRM) akan diadakan dalam tempoh **1 minggu (7 hari) sebelum perasmian** iaitu pada **2 hingga 3 September 2026.**

7.3 Setiap anggota Kontinjen (A, B, FA, FO1, FO2) yang disahkan melalui Mesyuarat Pendaftaran Delegasi (DRM) untuk penyertaan Para SUKMA ini dikenakan bayaran **RM200.00** seorang dan pembayaran hendaklah dibuat kepada Jawatankuasa Pengelola semasa DRM tersebut.

- 7.4 **TIADA** sebarang pertukaran **atlet / acara** boleh dibuat **selepas Mesyuarat Pendaftaran Delegasi (DRM)**.

8. KLASIFIKASI KATEGORI KECACATAN

- 8.1 Klasifikasi kategori kecacatan akan dilakukan mengikut proses kerja dan pegawai klasifikasi bertauliah yang dilantik oleh Jawatankuasa Klasifikasi Para SUKMA Selangor 2026 dibawah naungan Majlis Paralimpik Malaysia.

- 8.2 Semua atlet perlu menjalani klasifikasi mengikut ketetapan berikut :

8.2.1 **N (NEW)** atlet baru dan tidak pernah di klasifikasikan perlu mengisi Borang Diagnosis Perubatan (MDF) yang disahkan oleh pegawai perubatan serta mengemukakan dokumen sokongan yang diakui sah (akan dimaklumkan melalui email)

8.2.2 **R (Review)** atlet pernah menjalani ujian klasifikasi tetapi perlu dikelaskan semula mengikut tempoh yang diberikan perlu menjalani ujian klasifikasi serta mengisi borang MDF serta mengemukakan dokumen sokongan yang diakui sah (akan dimaklumkan melalui email).

Peringatan Penting: Tarikh Review sebelum 5 September 2024 perlu menjalani proses klasifikasi. Tarikh Review selepas 5 September 2024 tidak perlu menjalani proses klasifikasi.

8.2.3 **C (Confirm)** atlet tidak perlu menjalani ujian klasifikasi. Jika ada sebarang bantahan dari pihak lain, Jawatankuasa Klasifikasi akan membuat ketetapan samada perlu menjalani klasifikasi semula atau tidak.

- 8.3 Atlet **II (Intellectual Impairment)** perlu mempunyai pengesahan dari Pakar Psikologi untuk dikelaskan sebagai **II (Intellectual Impairment)** serta mengemukakan dokumen sokongan yang diakui sah.

- 8.4 Atlet **VI (Visual Impairment)** perlu mempunyai pengesahan dari Pakar Optamologist untuk dikelaskan sebagai **VI (Visual Impairment)** serta mengemukakan dokumen sokongan yang diakui sah
- 8.5 Pemegang Kad Klasifikasi Para SUKMA 2024 adalah diiktiraf namun masih perlu diserahkan kepada pegawai klasifikasi untuk rekod. Semua atlet yang lulus klasifikasi dan dibenarkan menyertai Para SUKMA Selangor 2026 akan diberi Kad Klasifikasi (Baru) semasa di Shah Alam.
- 8.6 Setiap sukan akan diadakan sekurang-nya 2 panel untuk sesi klasifikasi. Jika ada sebarang keraguan dari klasifikasi atau bantahan maka panel ke 2 akan menjalankan klasifikasi semula untuk keputusan yang muktamad.

9. KAWALAN PERUBATAN

- 9.1 Semua peserta dalam sesuatu jenis sukan sekiranya diwajibkan oleh Persatuan Sukan Kebangsaan adalah dikehendaki menjalani ujian perubatan. Para peserta hendaklah mengemukakan Sijil atau Surat Pengakuan Doktor kepada Jawatankuasa Pertandingan. Pemeriksaan hendaklah dibuat di negeri masing-masing sebelum datang ke pertandingan.
- 9.2 Ujian doping dan ujian breathalyser untuk alkohol akan dijalankan secara rambang ke atas atlet semasa Para SUKMA dikelolakan.
- 9.3 Pengurus pasukan bertanggungjawab menyerahkan borang pengesahan penggunaan perubatan atlet atau **'Therapeutic Use Exemptions form (TUE' form')** semasa Taklimat Pengurus Pasukan.
- 9.4 Jika seseorang atlet itu mewakili pasukan mengambil bahagian dalam acara individu dan didapati positif ujian doping, penyertaan bagi individu tersebut dengan sendirinya akan terbatal. Sekiranya individu yang dibatalkan turut memenangi pingat, kemenangan tersebut akan juga turut terbatal dan pingat yang dimenangi akan ditarik balik serta dianugerahkan kepada peserta terbaik berikutnya.

- 9.5 Bagi sukan berpasukan sekiranya terdapat atlet yang didapati positif ujian doping keputusan penyertaan pasukan tersebut akan diputuskan oleh Jawatankuasa Khas Teknikal.
- 9.6 Segala minuman/makanan/bahan beralkohol adalah dilarang dibawa masuk atau diminum/dimakan dalam kawasan sekretariat/venue pertandingan/ perkampungan sukan untuk atlet dan pegawai yang disediakan oleh pengelola atau penganjur Para SUKMA.
- 9.7 Pegawai dan atlet yang melanggar peraturan ini akan tertakluk kepada tindakan disiplin oleh Lembaga Disiplin di bawah perkara 17.2.

10. KAWALAN KEWANITAAN

- 10.1 Semua peserta wanita jika diwajibkan oleh Persatuan Sukan Kebangsaan maka hendaklah disahkan kewanitaan mereka oleh Doktor Perubatan masing-masing di Borang Penyertaan mereka. Jawatankuasa Pengelola atau Jawatankuasa Khas Teknikal dengan kerjasama Institut Sukan Negara hendaklah melakukan secara rawak pengesahan kewanitaan oleh doktor perubatan yang diiktiraf kepada atlet wanita.

11. PERATURAN PERTANDINGAN

- 11.1 Semua jenis sukan / acara akan dipertandingkan mengikut Peraturan Badan Sukan Antarabangsa yang berkenaan kecuali diperuntukkan berlainan dalam peraturan Para SUKMA. Jika terdapat percanggahan dari segi pentafsiran, maka pengertian sah akan dirujuk kepada peraturan dalam Bahasa Inggeris dan diputuskan oleh Jawatankuasa Khas Teknikal. Keputusan Jawatankuasa Khas Teknikal Para SUKMA dalam ini adalah muktamad.
- 11.2 Jawatankuasa Khas Teknikal melalui perundingan dengan Persatuan Sukan Kebangsaan berkenaan akan menetapkan acara pertandingan bagi tiap-tiap jenis sukan yang akan dipertandingkan dalam Para SUKMA ini. Semua Persatuan Sukan Kebangsaan hendaklah memastikan kedudukan pasukan yang

akan diundi dan perlulah mengikut rekod pencapaian Sukan Malaysia sebelumnya.

- 11.3 Semua pertandingan bagi tiap-tiap jenis sukan hendaklah selesai dipertandingkan mengikut tempoh Para SUKMA seperti yang ditetapkan Perkara 11.1 atau pada tempoh yang dipersetujui oleh pihak Jawatankuasa Pengelola.
- 11.4 Penetapan bilangan kumpulan bagi tiap-tiap jenis sukan akan dibuat mengikut amalan Persatuan Sukan Kebangsaan atau Badan Sukan Antarabangsa dan tertakluk kepada kelulusan Jawatankuasa Khas Teknikal.
- 11.5 Bagi jenis sukan yang mengandungi acara berpasukan dan perseorangan, hanya dua (2) orang pemain terbaik sahaja didaftarkan mengambil bahagian dalam pertandingan perseorangan. Walau bagaimanapun bagi jenis sukan-sukan yang tertentu yang mengambilkira kombinasi mata/skor individu bagi menentu kedudukan pasukan, bilangan pemain boleh didaftarkan mengikut jumlah yang ditetapkan di dalam peraturan pertandingan sukan masing-masing dan adalah tertakluk kepada kelulusan Jawatankuasa Khas Teknikal.
- 11.6 Peraturan pertandingan untuk setiap jenis sukan adalah tertakluk kepada kelulusan Jawatankuasa Khas Teknikal.

12. TEMPOH PENGELOLAAN/JADUAL PERLAWANAN

- 12.1 **Para SUKMA XXII** akan diadakan pada **5 hingga 10 September 2026**. Tempoh rasmi pengelolaan untuk Para SUKMA XXII ialah **6 hari**. Walau bagaimanapun atas sebab-sebab tertentu Jawatankuasa Pengelola boleh memulakan pertandingan bagi jenis-jenis sukan tertentu beberapa hari sebelum hari perasmian Para SUKMA.
- 12.2 Semua jadual perlawanan bagi semua jenis sukan termasuk tarikh, masa dan tempat akan ditetapkan oleh Jawatankuasa Pengelola dengan kelulusan Jawatankuasa Khas Teknikal.

13. PENANGGUHAN

- 13.1 Tarikh, masa, tempat perlawanan dan acara pertandingan setiap sukan yang telah ditetapkan atau jadualkan sama sekali tidak boleh ditangguh atau diubah oleh pasukan-pasukan yang mengambil bahagian.
- 13.2 Jawatankuasa Pengelola dengan kelulusan Jawatankuasa Khas Teknikal mempunyai kuasa mutlak untuk menangguh atau mengubah jadual sesuatu perlawanan dengan diberitahu terlebih dahulu kepada pegawai pasukan yang terlibat.
- 13.3 Bagi perlawanan yang ditangguhkan menurut Perkara 13.2 di atas, Ketua Delegat Teknikal bagi sukan berkenaan hendaklah menetapkan semula perlawanan yang ditangguhkan itu dan hendaklah tertakluk kepada kelulusan Jawatankuasa Khas Teknikal.

14. KEMUDAHAN

- 14.1 Jawatankuasa Pengelola akan bertanggungjawab untuk menyediakan semua kemudahan yang berkaitan dengan pelaksanaan Para SUKMA seperti penginapan, sajian, pengangkutan, tempat dan peralatan pertandingan.
- 14.2 Pakaian kontinjen/pertandingan dan peralatan pertandingan seperti kerusi roda (Balingan), kerusi roda, alat bantu OKU, dan sebagainya adalah menjadi tanggungjawab kontinjen.
- 14.3 Jawatankuasa Pengelola hendaklah mengemukakan senarai kemudahan / tempat pertandingan dan senarai peralatan sukan yang akan digunakan untuk tujuan pertandingan kepada Persatuan Sukan Kebangsaan dan Jawatankuasa Khas Teknikal untuk pengesahan.

15. INSURAN DAN GANTIRUGI

- 15.1 Jawatankuasa Tertinggi Sukan Malaysia, Jawatankuasa Pengelola, Jawatankuasa Khas Teknikal dan pegawai-pegawai yang dilantik tidak akan bertanggungjawab ke atas sebarang kemalangan atau kecelakaan yang berlaku kepada mana-mana peserta dan pegawai semasa Para SUKMA.
- 15.2 Setiap Majlis Sukan Negeri dan Kontinjen diwajibkan untuk mendapat dan menanggung kos serta perbelanjaan insuran bersesuaian bagi setiap atlet dan pegawai kontinjen masing-masing.

16. KETUA DELEGAT TEKNIKAL DAN PENGURUS PERTANDINGAN

- 16.1 Jawatankuasa Khas Teknikal akan melantik Ketua Delegat Teknikal setelah berunding dengan Persatuan Sukan Kebangsaan bagi tiap-tiap jenis sukan. Tanggungjawab Ketua Delegat Teknikal ialah seperti berikut :-
- i) Mencadangkan kepada Jawatankuasa Khas Teknikal senarai Pegawai Teknikal bertauliah yang bertugas sepanjang kejohanan berlangsung.
 - ii) Melawat serta mengesahkan tempat dan peralatan latihan/pertandingan untuk Para SUKMA.
 - iii) Menyediakan jadual-jadual pertandingan selepas berbincang dengan Jawatankuasa Pengelola dan Persatuan Sukan Kebangsaan.
 - iv) Memastikan semua pertandingan dijalankan mengikut peraturan / jadual pertandingan yang telah ditetapkan.
- 16.2 Ketua Delegat Teknikal hendaklah mengemukakan laporan bersama-sama dengan laporan pengadil atau hakim mengenai semua aduan dan rayuan yang dibuat oleh atlet atau pegawai pasukan yang telah digantung daripada menyertai satu atau kesemua pertandingan bagi sukan berkenaan semasa Sukan Malaysia kepada Persatuan Sukan Kebangsaan masing-masing untuk tindakan selanjutnya.

- 16.3 Jawatankuasa Pengelola hendaklah melantik Pengurus Pertandingan selepas mendapat cadangan dari Persatuan Sukan Negeri dan disokong oleh Persatuan Sukan Kebangsaan.
- 16.4 Pengurus Pertandingan adalah bertanggungjawab membantu Ketua Delegat Teknikal untuk menentukan segala persiapan teknikal dan pertandingan disediakan dan dilaksanakan mengikut Peraturan Tetap, Peraturan Am dan Peraturan Pertandingan serta panduan-panduan yang ditetapkan oleh Persatuan Sukan Kebangsaan.

17. JURI TEKNIKAL SUKAN DAN JURI RAYUAN TERTINGGI

- 17.1 Setiap Persatuan Sukan Kebangsaan yang terlibat, setelah berunding dengan Jawatankuasa Khas Teknikal hendaklah menubuh dan menamakan sebuah Juri Teknikal Sukan untuk mengambil tindakan dan membuat keputusan terhadap semua aduan, bantahan atau rayuan yang dibuat semasa Para SUKMA.
- 17.2 Juri Teknikal Sukan mesti dipengerusikan oleh Ketua Delegat Teknikal Sukan berkenaan dan tidak kurang dari tiga (3) orang ahli dan tidak lebih lima (5) orang ahli panel lain. Juri Teknikal Sukan berkenaan mesti berunding dan membuat keputusan mengenai semua aduan, bantahan atau rayuan dibuat dalam tempoh tidak lewat dari dua (2) jam dari masa surat bertulis berkenaan diterima oleh Ketua Delegat Teknikal.
- 17.3 Mana-mana pihak yang tidak bersetuju dengan keputusan Juri Teknikal Sukan berkenaan boleh membuat rayuan kepada Juri Rayuan Tertinggi yang ditubuhkan dalam Perkara 17.4 dibawah ini.
- 17.4 Semasa Sukan Malaysia berlangsung, sebuah Juri Rayuan Tertinggi dilantik oleh Pengerusi Jawatankuasa Tertinggi Sukan Malaysia terdiri daripada tidak kurang daripada lima (5) orang dan tidak lebih dari tujuh (7) orang ahli seperti berikut:-
- Pengerusi - Ketua Pengarah Majlis Sukan Negara
 - Ahli-Ahli - Presiden Majlis Paralimpik Malaysia atau wakil khas yang ditetapkan.

- Pengerusi Jawatankuasa Pengelola / Ketua Pegawai Eksekutif Sekretariat Sukan Malaysia XXII Selangor 2026
- Dua (2) orang Pengarah Majlis Sukan Negeri
- Tidak lebih daripada dua (2) orang yang difikirkan sesuai oleh Pengerusi

17.5 Juri Rayuan Tertinggi akan membuat keputusan muktamad berkenaan dengan semua aduan, bantahan atau rayuan dan perkara lain berhubung dengan pengelolaan Sukan Malaysia dalam tempoh 24 jam dari masa selepas diterima surat bertulis berkenaan. Pengarah Majlis Sukan Negeri atau Ketua Kontinjen atau wakilnya boleh mengemukakan soalan-soalan kepada juri-juri ini. Selain daripada itu, Juri Rayuan Tertinggi ini juga boleh membuat keputusan dalam semua perkara, termasuk hal-hal teknikal yang dianggap sesuai oleh juri ini.

18. RAYUAN/BANTAHAN

18.1 Jika tidak dinyatakan di dalam Buku Peraturan Pertandingan Sukan, sebarang aduan, bantahan atau rayuan mengenai sesuatu perkara kepada Juri Teknikal Sukan mesti dibuat oleh Pengurus Pasukan kepada Ketua Delegat Teknikal secara bertulis dalam tempoh satu (1) jam selepas pertandingan tamat dengan disertakan wang tunai sebanyak **RM 500.00** sebagai wang bantahan.

18.2 Rayuan kepada Juri Rayuan Tertinggi mesti dibuat dalam tempoh tidak lebih daripada empat (4) jam selepas keputusan Juri Teknikal Sukan diterima. Rayuan mesti dibuat oleh Pengarah Majlis Sukan Negeri atau Ketua Kontinjen secara bertulis dan ditandatangani beserta cop Majlis Sukan Negeri kepada Urusetia Tetap Sukan Malaysia dengan disertakan wang tunai sebanyak **RM 1,000.00 sebagai wang bantahan.**

18.3 Sekiranya aduan bantahan atau rayuan itu munasabah dan diterima oleh Juri Teknikal Sukan atau Juri Rayuan Tertinggi, maka wang bantahan itu akan dikembalikan.

18.4 Wang bantahan itu akan menjadi hak **Jawatankuasa Pengelola** sekiranya aduan, bantahan atau rayuan itu didapati tidak munasabah atau ditolak.

18.5 Juri Teknikal Sukan dan Juri Rayuan Tertinggi berhak untuk memanggil mana-mana individu yang difikirkan sesuai dan dapat membantu untuk memberi maklumat atau keterangan berkaitan.

19. DISIPLIN

19.1 Persatuan Sukan Kebangsaan yang terlibat mesti menubuhkan sebuah Jawatankuasa Disiplin bagi mengendalikan kes-kes disiplin di kalangan pegawai dan atlet semasa Para SUKMA berlangsung.

19.2 Pengerusi Jawatankuasa Tertinggi Sukan Malaysia akan melantik sebuah Lembaga Disiplin bagi mengendalikan segala kes disiplin dan salahlaku yang membabitkan pegawai serta atlet yang tidak dapat diselesaikan di peringkat Persatuan Sukan Kebangsaan masing-masing. Lembaga ini juga bertanggungjawab terhadap disiplin semua pegawai kontinjen (termasuk pegawai tambahan) yang berdaftar dengan Jawatankuasa Pengelola Para SUKMA dan terhadap sesiapa semasa Para SUKMA berlangsung. Keahlian Lembaga Disiplin adalah seperti berikut:-

- Pengerusi - Ketua Pengarah Majlis Sukan Negara
- Ahli-ahli - Pengerusi Jawatankuasa Pengelola / Ketua Pegawai Eksekutif Sekretariat Sukan Malaysia XXII Selangor 2026
 - Empat (4) orang Ketua Kontinjen atau wakilnya
 - Seorang wakil daripada persatuan yang terlibat

Korum bagi prosiding Lembaga Disiplin adalah sekurang-kurangnya lima (5) orang ahli.

- 19.3 Pihak Lembaga Disiplin berhak untuk memanggil mana-mana individu yang difikirkan sesuai dan dapat membantu memberikan maklumat atau keterangan yang berkaitan.

20. HADIAH-HADIAH

- 20.1 Hadiah-hadiah untuk SUKAN MALAYSIA akan disediakan oleh Jawatankuasa Pengelola seperti berikut:-
- 20.2 Pingat-pingat emas, perak dan gangsa untuk pemenang-pemenang pertama, kedua dan ketiga. Butir-butir lengkap adalah seperti di dalam **Para 15.3 Peraturan Tetap** Para SUKMA.
- 20.3 Jika tidak dinyatakan di dalam Buku Peraturan Pertandingan Sukan, pemenang bersama bagi sesuatu pingat boleh diberikan jika berlaku persamaan waktu atau catatan mata.

21. KEWANGAN

- 21.1 Jawatankuasa Pengelola bertanggungjawab dari segi aspek perbelanjaan Sukan Malaysia XXII Selangor 2026 dan mengemukakan sesalinan laporan penganjuran dan kewangan kepada Urusetia Tetap Sukan Malaysia.

22. TAMBANG

- 22.1 Setiap Majlis Sukan Negeri yang terlibat bertanggungjawab menanggung semua kos tambang pegawai / atlet masing-masing. Bagaimanapun, Majlis Sukan Negara Malaysia akan memberikan subsidi tambang penerbangan pegawai/atlet rasmi dari negeri Sabah dan Sarawak sebanyak 50% daripada kos mengikut kadar yang ditetapkan oleh Majlis Sukan Negara Malaysia.
- 22.2 Sekiranya Negeri Sabah atau Sarawak menjadi tuan rumah Para SUKMA, subsidi tambang 50% daripada kos mengikut kadar yang ditetapkan oleh Majlis Sukan Negara Malaysia akan diberikan kepada pegawai dan atlet rasmi kontinjen negeri yang menyertai.

23. **PROGRAM AM**

Bil	Aktiviti	SEPTEMBER 2026									
		2	3	4	5	6	7	8	9	10	11
1	Mesyuarat Pendaftaran Delegasi (DRM)	•	•								
2	Ketibaan CDM			•							
3	Mesyuarat Chef De Mission				•		•		•		
4	Ketibaan Kontinjen Negeri			•							
5	Klasifikasi Atlet			•	•						
6	Mesyuarat Pengurus Pasukan				•	•					
7	Majlis Perasmian Pembukaan				•						
8	Pertandingan Sukan					•	•	•	•	•	
9	Majlis Penutupan Rasmi									•	
10	Kepulangan Kontinjen-Kontinjen Negeri										•

24. **PERKARA AM**

- 24.1 Jawatankuasa Khas Teknikal berkuasa mengambil sesuatu keputusan kepada sebarang perkara yang berbangkit yang tidak tercatat dalam Peraturan Am.
- 24.2 Segala keputusan yang diambil oleh Jawatankuasa Pengelola dan Jawatankuasa Tetap adalah muktamad.
- 24.3 Sebarang keputusan yang dibuat semasa Taklimat Pengurus Pasukan bagi setiap jenis sukan adalah muktamad dan tidak boleh dibantah asalkan ia tidak bercanggah dengan Peraturan Tetap, Peraturan Am dan Peraturan Pertandingan serta keputusan Jawatankuasa Tertinggi Para SUKMA. Taklimat Pengurus Pasukan tidak membenarkan sebarang pertukaran atlet dan penerangan melibatkan perkara-perkara ke arah persediaan permulaan pertandingan seperti perubahan jadual pertandingan dan semakan akhir atlet yang disahkan DRM.

- 24.4 Segala bantahan mengenai kelayakan atau kesahihan status atlet tidak boleh dibuat oleh mana-mana pihak setelah diterima dan disahkan oleh Jawatankuasa Khas Teknikal ataupun selepas diputuskan di dalam Mesyuarat Pertindihan Atlet di bawah Peraturan Am Perkara 5.12 dan keputusan tersebut adalah muktamad. Pendaftaran atlet semasa tarikh akhir pendaftaran seperti yang ditetapkan di dalam Peraturan Am Perkara 5.10 dan Perkara 5.13 akan menjadi penentu kepada negeri yang akan diwakili seseorang atlet sekiranya tidak didaftarkan oleh mana-mana kontinjen lain.
- 24.5 Atlet-atlet seharusnya mewakili negeri asalnya tetapi tertakluk kepada Peraturan Am Perkara 24.9. Atlet-atlet boleh mewakili negeri lain yang bukan negeri asalnya atas syarat-syarat berikut:
- i. Atlet tersebut mesti telah bermastautin sekurang-kurangnya **5 tahun (60 bulan)** berturut-turut sebelum layak mewakili negeri berkenaan.
 - ii. Taraf bermastautin adalah berdasarkan kepada **perwakilan atlet-atlet menyertai pertandingan-pertandingan dan / atau program-program kemajuan atlet berkenaan** yang dianjurkan oleh Majlis Sukan Negeri berkenaan, Persatuan Sukan Kebangsaan, Persatuan Sukan Negeri masing-masing ataupun Majlis Sukan Sekolah-sekolah Negeri berkenaan;
ATAU
 - iii. Atlet yang ingin mewakili negeri lain disebabkan perpindahan ibu bapa, perpindahan tempat kerja atas arahan majikan ataupun mendapat tawaran kerja (perlu mengemukakan dokumen sokongan) dikenakan **syarat bermastautin sekurang - kurangnya satu (1) tahun (sebelum pendaftaran senarai panjang / alamat baharu di kad pengenalan)** dan mempunyai perjanjian mewakili negeri semasa, sebelum layak mewakili negeri berkenaan.

- iv. Pengarah Majlis Sukan Negeri **berkenaan perlu memohon pelepasan bertulis** daripada Pengarah Majlis Sukan Negeri asal atau bermastautin atlet terbabit. Sekiranya permohonan diluluskan secara bertulis oleh Pengarah Majlis Sukan Negeri, atlet tersebut bolehlah mewakili negeri.

ATAU

- v. Bagi atlet yang tidak didaftarkan oleh negeri asalnya, negeri yang ingin mendapatkan khidmat atlet tersebut, perlu mendapatkan kebenaran daripada negeri asal atau bermastautin tetapi hanya untuk **PARA SUKMA SEMASA sahaja**

24.6 Taklimat Pengurus Pasukan Sukan berkenaan **tidak boleh** membangkitkan atau memutuskan mengenai kelayakan atau kesahihan status atlet atau pertukaran atlet.

24.7 Wang Cengkeram di bawah Peraturan Am Perkara 5.9 tidak akan dikembalikan sekiranya pasukan yang telah didaftarkan terlebih dahulu menarik diri dari mengambil bahagian.

24.8 Jawatankuasa Khas Teknikal mempunyai kuasa mutlak memeriksa kelayakan atlet-atlet pada bila-bila masa. Sekiranya terdapat atlet yang tidak layak menyertai sukan berkenaan, seperti yang tercatat di dalam Peraturan Am ini dan Peraturan Pertandingan sukan berkenaan tindakan berikut akan diambil:-

- i. Pembatalan dari sukan. Jika atlet itu mewakili acara berpasukan, pasukan itu akan dibatalkan dan jika atlet itu mengambil bahagian di dalam acara individu, penyertaan beliau akan dibatalkan. Jika pasukan / individu yang dibatalkan memenangi pingat, kemenangan tersebut akan dibatalkan.
- ii. Pembatalan menurut Perkara 24.8(i) di atas akan menyebabkan segala perbelanjaan pasukan / individu ditarik balik dengan serta merta dan jika perbelanjaan telah dikenakan kepada pasukan / individu itu, Majlis Sukan Negeri berkenaan dikehendaki membuat pembayaran balik jumlah tersebut kepada Jawatankuasa

Pengelola dan tidak layak kepada subsidi di bawah Peraturan Am Perkara 22.

- 24.9 Atlet-atlet yang berkhidmat dengan PDRM tidak boleh mewakili mana-mana kontinjen / negeri kecuali mendapat kebenaran bertulis daripada Majlis Sukan PDRM. Manakala bagi atlet-atlet yang berkhidmat dengan Angkatan Tentera Malaysia (ATM) adalah tertakluk kepada Pekeliling Majlis Sukan Angkatan Tentera dimana anggota tetap hendaklah mewakili negeri tempat bertugas dan anggota kerahan mewakili negeri asal mereka kecuali mendapat kebenaran bertulis. Walau bagaimanapun, pelepasan mewakili negeri asal untuk anggota tetap dibenarkan sekiranya tawaran jawatan diterima selepas tarikh tutup pendaftaran senarai panjang (longlist).
- 24.10 Tertakluk kepada Perkara 21.5, bagi kontinjen negeri yang ingin mendaftarkan pelajar-pelajar Sekolah Sukan, kontinjen-kontinjen negeri berkenaan juga perlulah memohon dari pihak pentadbiran Sekolah Sukan berkenaan tidak lewat dari empat (4) bulan sebelum Para SUKMA berlangsung. Sebuah Jawatankuasa yang terdiri daripada Pengetua-Pengetua Sekolah Sukan Malaysia serta wakil daripada Jawatankuasa Khas Teknikal akan membuat ketetapan mengenai penyertaan atlet-atlet ini berdasarkan kepada beberapa aspek seperti negeri asal, bantuan yang diberikan oleh negeri berkenaan dan lain-lain aspek yang berkaitan dengan kemajuan atlet berkenaan.
- 24.11 Semua Persatuan Sukan Kebangsaan yang sukannya dipertandingkan di Para SUKMA dikehendaki menandatangani surat Akujanji untuk bekerjasama mengelola serta memastikan mereka bertanggungjawab untuk menubuhkan atau memajukan persatuan di peringkat negeri yang menjadi tuan rumah.
- i. Bagi tujuh (7) jenis sukan wajib, surat Akujanji ini mengkehendaki Persatuan Sukan Kebangsaan terus mempopularkan kegiatan sukan masing-masing di negeri-negeri seluruh Malaysia pada masa yang akan datang. Sekiranya setelah tiga kali temasya (6 tahun) tidak ada kemajuan yang ditunjukkan oleh sukan

berkenaan, maka acara tersebut akan digugurkan dari Para SUKMA; dan

- ii. Bagi semua sukan-sukan tambahan, Persatuan Sukan Kebangsaan mesti menganjurkan kedua-dua Kejohanan Kebangsaan dan Kejohanan Remaja Kebangsaan setiap tahun sekurang-kurangnya **3 tahun sebelum Para SUKMA semasa.**

Pindaan pada 29 Januari 2026

Mesyuarat Jawatankuasa Tertinggi Bil 08/2026

Pada : 29 Januari 2026 (Khamis)

Masa : 03:30 petang hingga 04:45 petang

Tempat : Bilik Persidangan. Aras 4, Menara KBS, Putrajaya

Mesyuarat Jawatankuasa Khas Teknikal Bil 1/2026

Pada : 8 April 2026

Masa : 4:00 petang hingga 6:00 petang

Tempat : Selangor 2, Dorsett Grand Subang